

San Pablo Tesalónica

vũ'ejoopo pa'inare charo

chũ'o tocha saosi'ea'me

Chũ'o saosi'ea'me

1 ¹ Chũ'ũ, Pablo, Silana'me Timoteo ie chũ'o tocha saomũ musanũ-konare, Tesalónica vũ'ejoopo pa'inare, Dios mai Ja'kũna'me Maire Paakũ'te Jesucristo'te cuasakuanupũ'te. Ũcuauji musanũkona rekoñõã re'oja'che pa'iche'te cho'okaiũna re'oja'che pa'ijũ'ũ.

Tesalónica pa'ina re'oja'che cho'o ñõñe'te kũamũ

² Musanũkonani ũcuanũkore cuasajũ pojojũ Dioni si'arũmũ, “Re'ore-pamũ, Ja'kũ”, chiijũ sũekaijũ pa'inaa'me chũkũna. ³ Jã'aja'ñe i'kajũ Mai Ja'kũ Diore cuhama'ñe ija'che sũenaa'me chũkũna:

—Ja'kũ, repaña Tesalónica pa'ina mũ'ũre cuasanajejũ re'oja'chechi'a cho'onaa'me. Pãi oijũ chekũnare rũa re'oja'che cho'okainaa'me repaña. Ũcuachi'a mũ'ũ chũ'o cuasache jo'kasoma'ñe ũcua cuasajũ, repañare mũ'ũ pa'icheja sajachere pojojũ cha'ajũ pa'ime —Jã'aja'ñe Diore sũeju pa'inaa'me chũkũna.

⁴ Chũkũna majapãijana, Dios musanũkonare oiu chẽa paache masime chũkũna. ⁵ Musanũkona pa'icheja pa'irũmũ chũkũna Jesucristo'te cuasache kũachũ'o chũ'varũmũ chũ'ochi'a peoche i'kamanesinaa'me. Diopi Ũcuau Rekochoji cho'okaiũna Repañ chũ'ore masi kũajũna asa chẽa, “Te chũ'o ũcuarepa'a'me”, chini teana asa chẽasinaa'me musanũkona. Jã'aja'ñe cho'o, chũkũna musanũkonare Dioni cuasaa'jũ chini re'oja'che cho'okaiche masime musanũkona.

⁶ Dios Rekochoji cho'okaiũna Ũcuau chũ'ore pojojũ asa chẽa pa'ijũ rũa cu'ache cho'ocojñonata'ni chũkũna pa'iche'te ña chẽa Maire Paakũ pa'icheja'che pa'inajejũ re'oja'che pa'inaa'me musanũkona.

⁷ Jã'aja'ñe pa'ijũ chekũnare Diore cuasanare re'oja'che pa'ijũ ñonaa'me musanũkona. Musanũkona pa'icheja Macedonia cheja pa'inare, icheja

Acaya cheja pa'inare ũcuachi'a re'oja'che pa'ijũ ñonaa'me mŕsanũkona. 8-9 Mŕsanũkona re'oja'che pa'ijũ Diore masi cuasajũ Maire Paakũ chũ'o mŕsanũkona chũ'vache Macedoniana'me Acaya cheja pa'inachi'a masima'me. Chekũchejña pa'ina peore masime mŕsanũkona pa'iche. Masinajejũ chũkũnapĩ mŕsanũkona pa'iche'te kũato, ija'che i'kanaa'me repaña: “Tesalónica pa'ina Dioni masi cuasajũ re'oja'che pa'iche asanajejũ masinaa'me chũkũna”, chiinaa'me. “Pablo, Silana'me Timoteo sani ñajũna repacheja pa'ina ña pojoasome repañare. Repaña chũ'vasi'e Dios chũ'o asa chẽa repacheja pa'ina te'ena aperũmũ rupũ tũosiva'nare, ‘Dioa'mũ ikũ’, chiijũ pojojũ pa'isina jo'kaso, churata'ni Diorepaũni Si'arũmũ Pa'ikũni cuasajũ jovo Repañ chiiche'te cho'okaijũ pa'ijũasome. 10 Ũcuachi'a Dios Mamakũ'te Jesure cũnaũmũpi caje pa'iu jũniso tãcojũũna Dios Vasosi'kũni cha'ajũ pa'ijũasome repaña, Repañ'te cuasanarechi'a vati toa saiche Ũsejaũni”, chiinaa'me repaña.

Pablo Tesalónica vũ'ejoopo pa'irũmũ cho'osi'ere kũamũ

2 1 Asarepajũ'ũ, chũ'ũ majapãijana. Chũkũnapĩ mŕsanũkona pa'ichejare sani pa'ijũ Dios chũ'ore chũ'vajũna asa chẽa Jesure jovosinajejũ chũkũna chũ'vate'emanesi'e masime mŕsanũkona. 2 Ũcuachi'a aperũmũ chũkũna Filipos vũ'ejoopo sani pa'ijũ repajoopo pa'inare rũa cu'ache cutucojũojũ cu'ache cho'ocojũnosi'e asasinaa'me mŕsanũkona. Jã'ata'ni Diopi cho'okaiũna Jesucristo'te cuasache kũachũ'o chũ'vavajũchũma'ñe mŕsanũkona pa'icheja sani ũcua chũ'vasinaa'me chũkũna mŕsanũkonare. 3 Reparũmũ chũkũna vajũchũjũ cu'ache cuasajũ tiiñe che'choma'ñe rũhiñe chũ'vasinaa'me mŕsanũkonare. Ũcuachi'a te'eu'terejẽ'e cacũ'oche cuasama'ñe chũ'o ũcuarepare che'chosinaa'me chũkũna mŕsanũkonare. 4 Dios chũkũna'te Ũcuau chũ'ore Jesucristo'te cuasache kũachũ'ore pãire chũ'vajũ paarũ chini jo'kasi'kũa'mũ. Jã'ata'ni pãipi chũkũnani pojoajũ chini chũ'vamanaa'me chũkũna. Mai rekoñoã pa'iche Ñakũji Diopi pojoa'kũ chini chũ'vanaa'me chũkũna.

5 Ie masime mŕsanũkona: Diopi ñakũna chũkũna Jesucristo'te cuasache kũachũ'ore chũ'vajũ jorejũ pũsena'me kuri kooũu chini chũ'vamanesinaa'me. Ũcuachi'a pãipi chũkũnani chiapũ chini chũ'vamanesi'ea'me. 6 Chũkũna Jesús saosinajejũ chũ'ũre'onata'ni, “Ña kũkũjũ'ũ chũkũna'te”, chiijũ chũ'ũmanaa'me mŕsanũkonare, chekũnare ũcuachi'a. 7 Jã'aja'ñe i'kama'ñe pe'kerũ pa'ijũ che'chosinaa'me chũkũna mŕsanũkonare. Vĩjachiire pũka'ko kuirako jochacheja'che cho'okaijũ pa'isinaa'me chũkũna mŕsanũkonare. 8 Jã'aja'ñe cho'ojũ mŕsanũkonare oinajejũ re'oja'che pa'ijũ Dios chũ'o chũ'vasinaa'me chũkũna. Ũcuachi'a mŕsanũkonare cuasajũ che'chesosinajejũ cheke chũkũna'te peore cho'ore'ochetũ'ka re'oja'che cho'okaisinaa'me chũkũna.

⁹ Chũ'u cuasana, ¿Chũkũna cho'osi'e cuasama'ñe mũsanũkona? Mũsanũkona pa'icheja sani pa'ijũ Diopi chũ'ũũna Jesure cuasache kũachũ'o chũ'varũmũ mũsanũkonare rũa oinajejũ te'eũ'terejẽ'e karache'te cho'ocuhejũ ãujẽ'e sũema'ñe pa'ijũ umucujũnana'me ñami cho'oche cho'ojũ pa'isinaa'me, chũkũna chiimajũnarũãre kooũũ chini. ¹⁰ Ũcuaja'che chũkũna mũsanũkonare jmamakarũjẽ'e cu'ache cho'oma'ñe re'oja'chechi'a cho'osi'e masime. Dios chiichechi'a cho'osinaa'me chũkũna. Dios ñakũ'te mũsanũkonare Repaũ'te cuasanare re'oja'chechi'a cho'okaisinaa'me chũkũna. ¹¹⁻¹² Ũcuachi'a mũsanũkonapi re'oja'che pa'ijũ pojojũ paarpũ chini mũja'kũpãija'ñe oijũ pe'kerũ chũ'vajũ che'chosinaa'me chũkũna mũsanũkonare, re'oja'che pa'ijũna Diopi ña mũsanũkonani pojoa'kũ chini. Dios mũsanũkonare re'oja'che pa'ijũ, Repaũ pa'ichejare sani pa'ijũ Ũcuũna'me chũ'ũjũ paarpũ chini chẽasi'kũa'mũ.

¹³ Dios chũkũna'te, “Chũ'vajaikajũ'ũ ie chũ'o”, chiisi'e chũkũnapi sani Repaũ chũ'ore chũ'vajũna mũsanũkonapi asa jachama'ñe pojojũ, “Ie chũ'o pãipi cuasajũ i'kachema'mũ; Dios chũ'orepaa'me ie”, chini cuasajũna, pojojũ Diore cuhama'ñe, “Re'orepamũ, Ja'kũ”, chiinaa'me chũkũna. Repaũ Dios mũsanũkonare Jesucristoni cuasajũ jovo Ũcuau chũ'o che'chenare pa'iche re'oja'che care'vakaiũ pa'imũ cu'ache cho'oche'te jo'kaso re'oja'chere cho'ojũ paarpũ chini.

¹⁴ Mũsanũkonapi Dios chũ'ore asa chẽa Jesucristoni cuasajũ re'oja'che pa'ijũna chekũna mũsanũkona pa'icheja cana cu'ache cho'osinaa'me mũsanũkonare, Judea cheja cana, judiõpãi, aperũmũ Jesucristo'te cuasakuanupũ'te cu'ache cho'osi'eja'che. ¹⁵⁻¹⁶ Judiõpãi ũcuauũko Jesucristo'te cuhejũ Repaũ'te cuasanare ũcuachi'a cuheme. Dios chũ'o kũasinare apereparũmũ ũcuauapi vanisoasome. Maire Paakũ'te Jesucristo'te ũcuachi'a vanisosinaa'me repana. Ũcuachi'a chekũna judiõpãi mũsanũkona pa'ijõopo cana Dios chũ'o chũ'vache'te ũsejũ repajoopõji eto saosinaa'me chũkũna'te. Repana judiõpãi ũcuauũkore pãi cuhejũ, “Judio peonapi asa chẽa re'oja'che pa'ijũ”, chini si'arũmũ Dios chũ'o kũache ũseme. Jã'aja'ñe cho'ojũ si'ache cu'ache cho'ojũna pe'rukũ, “Repana cu'ache cho'osi'e ro'i chũ'ũpi tũnokaima'ñe ũcuu cuasakũna peore ro'ijanaa'me repana”, chiimũ Dios repanare.

Pablo repanare jo'e sani ñara chiiche'te kũamũ

¹⁷ Chũ'ũ majapãijana, chũkũna eto saocõjũnsirũmũ mũsanũkonani jo'e ñaũakũna si'arũmũ cuasajũ rũa oijũ pa'isinaa'me chũkũna. Ñaũakũna oijũ jmamakarũ pani jo'e si'ache cho'osinaa'me chũkũna, mũsanũkonani sani ñaũũ chini. Jã'ata'ni saicu'akũna saima'ñe pa'ime chũkũna, saineenata'ni. ¹⁸ Chũ'ũ Pablo, rũa jeerũmũ sasa chini cho'okũ pa'isi'kũa'mũ. Rũarepa-õã chũ'ũ saipir'arũmũchi'a vati ai si'arũmũ saiũsesi'kũa'mũ chũ'ũre.

19-20 Rúa pojome chükuna musanukonare. Chükuna che'choche Dios chü'ore musanukonapi jachama'ñe asa chëa Maire Paakuni Jesucristoni cuasajuna, Repau jo'e cajesirumu chükuna'te, chü'vasinare rua pojoja'mu. Reparumure cuasaju pojoju cha'ame chükuna. Repau'te tijña musanukona Dios chü'o asa chëasi'e pojoju peore kuajanaa'me chükuna.

3 1-2 Musanukonani oiju sani ñañu chiisinata'ni, saicu'akuna saima'ñe pa'iju cha'aju ca'naso musanukona pa'iche'te masiñu chini, mai maja-pãijaja'iani Timoteoni saosinaa'me chükuna. Repau'te Timoteo'te ija'che i'kasi'ku'a'mu chü'u: “Chü'u ichejare Atenas vü'ejoopo'te Silana'me pa'ia cha'ara; mü'upi te'eu ñajajijü'u”, chiisi'ku'a'mu chü'u. Chini, repau'te Dios chü'ore ja'me chü'vakaiu Diore cho'oché cho'okaiku'te musanukonani che'choa'ku chini saosi'ku'a'mu chü'u, ücuauji che'choña Jesucristoni pojoju na'a rua cuasaju paapu chini.

3-4 Musanukonare cuasaku, “Pãire cu'ache cho'ocojñöju Jesucristo'te cuasache'te jo'kasöju”, chini jä'aja'ñe cuasa Timoteoni saosi'ku'a'mu chü'u musanukonare ücuauji che'choña jo'kasoma'ñe ücua cuasaju paapu chini. Aperumu chükuna ja'me pa'irumu, “Pãi maire cu'ache cho'ojanaa'me”, chiiju kuasinaa'me musanukonare, masia'ju chini. Jä'aja'ñe pa'imü Dios chü'o asa chëa Jesucristo'te cuasanare. Chükuna aperumu kuaju, “Pãi Diore cuhena cu'ache cho'ojanaa'me maire”, chiisi'e cho'ocojñocuhaju masime musanukona. 5 Jä'ajekuna chü'uni cha'auamaña Timoteoni saosi'ku'a'mu chü'u, musanukona pa'iche'te ñajani ra chü'uni kuana asa masira chini, “Chükuna cho'okatena Jesucristoni cuasaju, ðrepana re'oja'che pa'iche vatipi üsekuna jo'kasocuhare?”, chini cuasaku.

6 Chura repau Timoteo musanukona pa'icheja ñajani ranicuhasi'ku'a'mu. Chü'o rua re'oja'chere musanukona pa'iche ra, ija'che kuasi'ku'a'mu repau chü'ure: “Re'oja'che pa'iju chuta'a Diore rua cuasaju chekunare pãi oiju re'oja'che cho'okaiju pa'ime repa. Ücuachi'a mai repa'ne ja'me pa'isi'e chuta'a cuasaju pojoju mai repa'ne ñañu chiicheja'che maire ücuaja'che ñañu chiime repa”, chiijü kuasi'ku'a'mu repau chükuna'te. 7 Jä'aja'ñe kuana asa pãi chükuna'te cu'ache cho'ochéj'e cuasama'ñe jä'achi'a cuasaju oiju pa'isina musanukona re'oja'che pa'iju Diore cuasaju pa'iche'te asa rua pojome chükuna. 8 Musanukona Jesucristo'te jo'kasoma'ñe cuasaju pa'iche asa vajasinaa'me chükuna. 9 Diopi cho'okaiuna musanukona pa'iche'te cuasani rua pojoju Dioni, “Re'orepamu, Ja'ku”, chiiju pa'ime chükuna. 10 Diopi chükunani musanukona pa'ichejana saoa'ku chini Repauni sëejü, umucu-jñana'me ñami sëekaiju pa'ime chükuna musanukonare, Repauji saõña musanukonani ñaju ja'me pa'iju Repau chü'ore chuta'a musanukonare karache'te na'a rua che'chorena re'oja'che pa'iche'te peore masia'ju chini.

11 Churata'ni mai Ja'ku Dios Maire Paaku Jesuna'me chükuna'te musanukona pa'ichejana saoa'ku. 12 Ücuachi'a musanukona säiñechi'a cuasaju

chukuna musanukonare oicheja'che pãi ũcuanukore si'arumũ na'a rũa oijũ paapũ chini, Diore sêekaimẽ chukuna musanukonare.

13 Ũcuachi'a Diopi cho'okaiũna re'oja'che pa'imasijũ Repaũ chiichechi'a cho'ojũ, musanukonapi rekoñoã cu'achejẽ'e peorekoñoã paajũna Jesús, Maire Paakũ, Repaũ neena re'onana'me peore jo'e cajesirumũ musanukonare ña pojokũ, Pũka'kũre Diore, "Ja'kũ, cu'ache cho'osi'e ro'iche peomũ inare", chiaũ chini Diore sêekaimẽ chukuna. Jã'aja'ñe paau.

Diopi poja'kũ chini re'oja'che pa'iche'te kuamũ

4 1 Asarepajũ'ũ, chũ'ũ majapãijana. Chukuna musanukona pa'icheja pa'irumũ Maire Paakũ Jesucristo chũ'usi'e che'chosinaa'me, musanukonapi na'a re'oja'che pa'imasijũ Dios chiichechi'a cho'ojũ paapũ chini. Chura musanukona re'oja'che cho'ojũ pa'iche jo'kasoma'ñe na'a rũa re'oja'che cho'ojũ pa'ijũ'ũ. 2 Chukuna musanukonare aperumũ chũ'vaju kũasi'e chũ'o masime, Maire Paakũ Jesucristo chũ'ũ jo'kasi'e.

3 Asarepajũ'ũ. Ija'che pa'iche'te chiimũ Dios: Repaũ neena pa'ijũ cu'ache cho'oma'ñe re'oja'chechi'a pa'ijũ Repaũ pojochechi'a cho'okaijũ pa'iche'te chiimũ. Ũmũpãi mũrũjoromichi'a paajũ chekunare romineema'ñe pa'ijũ'ũ. Ũcuaja'che romi mũjũpãichi'a pa'ijũ'ũ. Chekunare chiima'ñe pa'ijũ'ũ. 4 Ũmũpãi musanukona veja paanare romi, pa'irepache pa'ijũ re'oja'che paajũ mũrũjoromi ña kukujũ vaima'ñe paajũ re'oja'che kuirajũ pa'ijũ'ũ. 5 Romineema'ñe pa'ijũ, Diore cuasamana cho'ocheja'che cu'ache cho'oneema'ñe pa'ijũ'ũ. 6 Jã'aja'ñe cho'oma'ñe pa'ijũ te'eũ'terejẽ'e cu'ache cho'ojũ cacũ'oma'ñe pa'ijũ'ũ. Chekũ paako'te cu'a cho'omanejũ'ũ. Ũcuachi'a tua paamanejũ'ũ repao'te. Mai cho'oche peore Ñakũjekũ Maire Paakũ Dios mai cu'ache cho'oche ro'i peore ro'iche chũ'ũkũ'mũ. Jã'a aperumũ kũasinaa'me chukuna musanukonare.

7 Dios maire cu'ache cho'ojũ paapũ chini chẽamanesi'kũa'mũ. Re'oja'che pa'ijũ Repaũ chiiche'te cho'ojũ paapũ chini chẽa paamũ Dios maire. 8 Jã'aja'ñejekũna pãipi chukuna che'chochũ'ore asacuhejũ jachani rupũ pãire jachama'me. Dios chũ'ore jachame repaña. Musanukonare Repaũ'te cuasanareta'ni Repaũ Rekocho'te ñsimũ Dios, ja'me paau chini.

9 Chekunare pãi sãĩñechi'a oijũ pa'icheta'ni jo'e kũajũ tochache chiima'mũ chukuna'te. Ũcuare musanukonani Diopi pãi chekunare ña oiche'te che'chokũna pãi chekunare ña oime musanukona. 10 Jã'aja'ñe pa'ijũ musanukona pa'icheja Macedonia pa'inare Diore cuasanare ũcuanukore oijũ pa'inaa'me musanukona. Jã'ata'ni musanukonapi jã'aja'ñe cho'oche'te jo'kama'ñe si'arumũ na'a rũa oijũ re'oja'che cho'okaijũ paapũ chini chũ'vame chukuna.

11-12 Chekunare ke'rema'ñe re'oja'che cho'okaijũ pa'ijũ'ũ. Cavama'ñe pa'ijũ'ũ. Chekunare pe'kerũ che'chojũ pa'ijũ'ũ. Ũcuaja'che ñamema'ñe,

cho'oché cho'ojũ pa'ijũ'ũ. Jã'aja'ñe cho'oni chekũna nee ãu si'areparũmũ ãnisokaima'ñe pañu chiijanaa'me mũsanũkona. Aperũmũ chũkũna mũsanũkonare peore jã'a chũ'ũjũ che'chosinaa'me. Mũsanũkonapi jã'aja'ñe re'oja'chechi'a pa'ijũ cu'ache cho'oma'ñe pa'ito, chekũna pãi Diore cuasamana re'oja'che cutujũ, “Ina Diore cuasana rũa re'onaa'me”, chiijanaa'me mũsanũkonare.

Maire Paakũ Jesucristo jo'e rajachere kuamũ

13 Asarepajũ'ũ, chũ'ũ majapãijana. Chura jũnisosina cho'ocojñojañere kuajũ tochapirame chũkũna, mũsanũkonapi masia'jũ chini. Diore cuasanapi jũnisosinare Repau pa'ichejare sani pa'ijũna rũa re'omũ. Repau'te cuasamanata'ni Dios pa'icheja pa'iche'te vesujũ repana majapãi jũnisoru, ota rũarepa oinaa'me, “Jo'e ñamanejanaa'me mai”, chini cuasajũ. Repana cho'ochēja'che cho'omanejũ'ũ mũsanũkona. 14 Mai Jesucristo jũniso tãcojño vajũraisil'kũre cuasanajejũ Repau'te cuasajũ jũnisosiva'na jo'e vajũrajache masime.

15 Jã'aja'ñejekũna mũsanũkonare ie chũ'o Maire Paakũji chũ'ũkũna kuame chũkũna: Repau Jesucristo jo'e cajerũmũ mai chuta'a vajujũ cheja pa'ina jũnisosiva'nare jo'ka charo mũnisomanejanaa'me, vajũrũmũ Jesucristo'te cuasasinare. 16 Reparũmũ Maire Paakũ Jesucristo ẽjachũ'opi chũ'ũkũ cajeja'mũ. Chekũ, ángeles chũ'ũkũ, ũcuaja'che ẽjachũ'opi soija'mũ. Dios neevũ trompetavũ juhiche asoja'mũ. Jã'a juhitona Jesucristo'te cuasajũ jũnisosina mamaca'nivũã carũni charo vajũrani mũijanaa'me. 17 Repana vajũraisirũmũ maipi reparũmũ chuta'a vajũna pani, ũcuanana'me piko pa'ichejana cũnaũmũna mũijanaa'me, Maire Paakũni Jesucristoni tijñãũ chini. Jã'aja'ñe cho'o ũcuanũko Repau pa'ichejare ai sani pa'ijũ ũcuauña'me si'arũmũ pa'ijanaa'me, Repau'te cuasanachi'a. 18 Jã'a chũ'o chũkũna kuajũ tochasi'e chekũnare kuajũ'ũ asa pojojũ sũmava'na pa'imanea'jũ chini.

5 1-2 Chũ'ũ majapãijana, Maire Paakũ Jesucristo jo'e cajejacheta'ni chũ'ũpi kuakũ tochache chiima'me mũsanũkona; maire kuamane-sil'kuamũ Repau. Jã'a ũcuare masime mũsanũkona. Repau rajauumucuse Repau'te pãi cha'amarũmũna tĩ'aja'mũ. Ija'che pa'ija'mũ: Pãi, ñaũni pẽ'jejũ raimaũna cha'ate'e repana pẽ'jemaumucusena ñaũ raicheja'che Jesucristoji rakũna ña jñanojanaa'me, pẽ'jema'ñe pa'ijũ. Chũkũna'te, “¿Keekerũmũ rajija'ũ Repau?”, chiijũ sãniasamanaa'me mũsanũkona, ũcuare masijũ. 3 Pãi Diore cuasamana, “Re'omũ maire; cu'ache ti'jñeñe peomũ”, chiijũ pojojũ pa'itona, teana te'erũmũ Repau'ji rakũna ũcuanũkore rũa cu'ache pa'ija'mũ repanare, Repau'te cha'ama'ñe pa'inare. Ija'che pa'ija'mũ repanare: Romi, chĩi sũ'inare, repanajẽ'e vesũumucusena chĩire jñaarũmũ rũa asicheji tĩ'amũ. Jesucristo rajache cha'amanare

pāi ũcuachi'a repanajē'e vesurumuna rua cu'acheji katichejē'e peoche ti'jñeja'mu repanare pāi.

4 Chu'u majapāijana, musanukonata'ni Repau'te cuasanajeju chijacheja-ja'che pa'ima'ñe Repau rajache cha'aju pa'inaa'me. Repau'te cha'anajeju raito ña jñanomanejanaa'me musanukona. 5 Mai ũcuanuko Jesucristo'te cuasanajeju miañeja'ñe re'oja'che pa'imasinajeju Repau'te cuasamana chijachejaja'che cu'ache pa'imanaa'me. 6 Jā'ajekuna chekuna kānisosinaja'ñe cu'ache pa'iju Repau'te cha'ama'ñe pa'icheja'che, pa'ima'ñe kāimanaja'ñe re'oja'che pa'iju cu'ache cho'oma'ñe Repau rajachere cha'aju Repau'ji ratu ña jñanomaneñu mai. 7 ũcuachi'a Repau'te cuasamana chija'ina kānisosinaja'ñe pa'iju re'oja'che pa'ivesuju cu'ache cho'ocheja'che cho'oma'ñe pañu mai. ũcuachi'a Repau'te cuasamana ñamina cono jū'iñena pa'iju re'oja'che cho'ovesuju cu'achechi'a cho'omasicheja'che cho'omaneñu.

8 Maita'ni Repau'te cuasanajeju si'arumu re'oja'che pa'iju pañu; Repau neenaa'me mai. Repau'te rua chiinajeju jachama'me mai. ũcuachi'a chekunare pāi oiju re'oja'che cho'okaiju pañu. Jesucristo jo'e caje maire sajachere pojoju cha'aju pañu. ũcuachi'a Repau'ni jovo ai sani pa'ijachere cuasaju cha'aju pañu. Jā'aja'ñe cuasaju pa'ito vati, “Jesucristo'te cuasache jo'kasojū'u”, chinite'aja'mu maire, Diopi ũsekuna.

9 Dios maire vati toana saora chini chēasi'kuma'mu. Jesucristoni cuasaju vati toa saima'ñe Repau pa'ichejare ai sani paaru chini chēa paamu Repau maire. Cu'acheja saiche peoja'mu maire, ũcuare Jesucristo jūni ro'ikaisi'jekuna. 10 Jesucristo maipi Repauna'me paaru chini jūni ro'ikaisi'kua'mu. Jā'ajekuna Repau jo'e cajerumu chuta'a vajuna pani, reparumu jūnisosina panijē'e ja'me pa'ijanaa'me mai Repau'te. 11 Jā'ajekuna musanukona sāiñechi'a oiju re'oja'che cho'okaiju pa'iche jo'kasoma'ñe na'a rua cho'ojū pa'ijū'u, ũcuanuko si'arumu na'a rua re'oja'che pañu chini.

Pablo Jesure cuasanare chu'vachu'ore kamu

12-13 Asarepajū'u chu'u majapāijana. Musanukonare Dios chu'o chu'vaju chū'unare ña kukuju pa'ijū'u. Repanapi re'oja'che chū'uto jachama'ñe cho'ojū'u. Ke'rema'ñe pojoju cuasaju pa'ijū'u repanare; rua re'oja'chere cho'okaime repaana musanukonare. ũcuanuko cavama'ñe re'oja'che ja'me pa'ijū'u. 14 ũcuachi'a ija'che cho'ojū'u chiime chukuna musanukonare: Ñamenare, “Ñamemairo pa'ijū'u”, chijū'u. Vajuchunare, “Vajuchuma'ñe pa'ijū'u; kokarekoñā paajū'u”, chijū'u repanare. Chekunare chuta'a Jesucristo chū'ñe masi cho'ovesunare pe'ruma'ñe pe'keru re'oja'che chu'vaju pa'ijū'u repanare. ũcuanukore pe'keru i'kaju che'choju pa'ijū'u. 15 ũcuachi'a cuasarepaju pa'iju musanukonare cu'ache cho'onare sāiñe cu'ache cho'oma'ñe pa'ijū'u. Si'arumu re'oja'chechi'a cho'ojū Diore cuasanare cho'okaiju, ũcuachi'a Diore cuasamanare cho'okaiju pa'ijū'u.

16 Si'arummu pojoju pa'ijũ'u. 17 Repau'te si'arummu sēeju pa'ijũ'u cho'okaau chini. 18 Si'arummu Diore pojoju, musanukonare ũcuauache til'ñeto, "Re'orepamu, Ja'ku", chiiju pa'ijũ'u. Jã'aja'ñe i'kaju pa'iche'te chiimũ Dios maire, Jesucristo'te cuasanare.

19 Dios musanukonare Repau Rekocho'te ĩsisi'kua'mũ Ũcuarekochoji re'oja'chere che'choa'ku chini. Reparekocho che'choche cuhemanējũ'u musanukona.

20-22 Ũcuachi'a chekunare Dios chu'ore chu'vaũu chini rainare cuhema'ñe repaña chu'vachu'o asajũ'u. Repanapi chu'o ũcuarepare chu'vato asa chēa repaña chu'vaju chũ'uñe jachama'ñe cho'ojũ pa'ijũ'u. Jã'ata'ni repanapi vati chu'ore jorechu'ore chu'vato asacuheju jachaju che'chemanejũ'u repaña che'choche. Musanukona cu'ache cho'oche peore jo'kaso jmama-karujē'e cu'ache cho'oma'ñe pa'ijũ'u.

23-24 Diopi maire re'oja'che pa'iche ĩsikũji cho'okaiũna musanukona re'oja'chечи'a paapũ chini sēekaime chũkũna. Musanukonare chēa Paakũjekũ, Dios musanukonare cho'okaikũ'mũ peoche I'kama'kũjekũ. Ũcuauji cho'okaiũna Jesucristo jo'e cajerumũjatũ'ka re'oja'chечи'a pa'ijũ musanukona rekoñoã cu'achejē'e peorekoñoã paaju cha'ajũ'u. Musanukonapi jã'aja'ñe pa'ijũna Maire Paakũ Jesucristo reparumũ, "Ro'iche peomũ inare", chiiũ kuaja'mũ Pũka'kũre Diore.

Cuhacho chu'o saosi'ea'me

25 Musanukona ũcuaja'che Diore sēekaijũ'u chũkũna'te. 26 Repau'te cuasanare ũcuaukore repacheja pa'inare chēse pojoju, chu'o sa kuakaijũ'u chũkũna'te. 27 Maire Paakũji chũ'ũkũna chu'u tochasi'e ie chu'o peore ñaju i'kakaijũ'u, Repau'te cuasanare ũcuaukore. 28 Maire Paakũ Jesucristo'ji musanukonare re'oja'che cho'okaau.

Pablo